


# IBhayibheli LaBantwana Likulethela

## Ukuqala Kokudumala Komuntu



Ibhalwe ngu: Edward Hughes  
Kwabonakala ngu: Byron Unger; Lazarus

Itolikwe ngu: Goodwill Sithembiso Gwala  
Ifanekiswe ngu: M. Maillot; Tammy S.

Indaba 2 kwezingu 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.

isiZulu

Zulu

UNKULUNKULU WADALA  
YONKE INTO! Ngenkathi  
uNkulunkulu edala umuntu  
wokuqala, u-Adamu, wahlala  
engadini yase-Edene  
kanye nonkosikazi  
wakhe, u-Eva.



Babenenjabulo  
emsulwa belalela uNkulunkulu  
bezijabulisa ebusweni bakhe,  
kwathi ngelinye ilanga ...






"Ngempela uNkulunkulu ushilo ukuthi: 'Ningadli kuyo yonke imithi yasensimini' nah?" kusho inyoka ibuza u-Eva.

3



"Singadla izithelo zemithi yasensimini, kepha ayi izithelo zomuthi ophakathi nensimu," kusho u-Eva. "uma sidla noma sithinta lesosithelo, singafa nokufa." Yaphendula inyoka yathi, "Angeke nife."

4



"Niyokuba njengoNkulunkulu," kusho inyoka. U-Eva wase esifuna lesithelo saleso sihlahla. Wayilalela inyoka bese wasidla isithelo.

5




Emuva kokuphambana nesiyalo sikaNkulunkulu, u-Eva wayesenika no-Adamu ukuba asidle naye. U-Adamu kwakumele athi, "Cha! Ngeke ngiphambane nezwi likaNkulunkulu."

6



Nkenkathi u-Adamu no-Eva bona, bavuleka amehlo babona ukuthi bahamba nqunu. Bathunga amaqabunga omkhiwane bazenzela izibhinco bacasha.

7



Ngokuhlwa, ngokuphola kwelanga uNkulunkulu wafika engadini. Wayesekwazi okwenziwe ngu-Adamu beno-Eva. U-Adamu wathi owesifazane onginike isithelo ukuba ngidle.


8

U-Eva wathi inyoka  
inginike isithelo ukuba  
ngidle. Wathi uNkulunkulu  
enyokeni, "Iyoqalekiswa  
inyoka. Owesifazane  
uyokubeletha abantwana  
ngobuhlungu."




9

"Adamu, ngoba wonile,  
umhlaba uyaqalekiswa ngenxa  
yezenzo zakho. Uyokuvezela  
ameva namakhakhasi.  
Uyokusebenzela kanzima  
ukudla kwakho kuzekube  
ubuyela emhlabathini."



10

UNkulunkulu  
wabaxosha engadini  
yase-Edene o-Adamu  
beno-Eva. Ngokuba  
bona, bahlukana  
noNkulunkulu  
wokuphila!



11

UNkulunkulu  
wenza inkemba yelangabi ukuze  
bengabuyeli. UNkulunkulu  
wabenzela u-Adamu benomkakhe  
iziphuku wabembathisa.




12

Kaze uNkulunkulu  
wazithathaphi  
izikhumba  
zokwenza  
iziphuku na?



13

Ngokuhamba kwesikhathi, u-Adamu beno-Eva baba  
nomndeni. Indodana yabo yokuqala, uKayini, waba  
ngomlimi. Indodana yabo yesibili, u-Abela, waba  
ngumelusi.



14

Kwathi emva kwezinsuku ezithile uKayini waletha kuJehova umnikelo wezithelo zomhlabathi. Naye u-Abela waletha umnikelo wezimvu zakhe ezinonile.


UJehova wanaka u-Abela nomnikelo wakhe.



Kepha uKayini nomnikelo wakhe akawunakanga. Wayesethukuthela kakhulu uKayini. Kodwa wayesethi uNkulunkulu, "Angithi uma wenza kahle, uyamukeleka na?"



Intukuthelo kaKayini ayizange yaphela. Ngokudlula kwesikhathi uKayini wahlasela u-Abela ensimini - wambulala!



Wayesethi uNkulunkulu kuKayini. "Uphi umfowenu, u-Abela na?" "Angimazi," kusho uKayini eqamba amanga.




"Ngingumlindi womfowethu na?" UNkulunkulu wajezisa uKayini wamuphuca ikhono lokulima wamenza umahamb'ema wamenza nozulane.



Wayesesuka uKayini ebusweni bukaJehova. Wayeseshada indodakazi ya-Adamu beno-Eva. Bakhulisa umndeni. Maduze, inzalo kaKayini yagcwala idolobha ababelitholile.



Kusenjalo, umndeni ka-Adamu beno-Eva wawukhula masinyane. Ngalezozinkathi, abantu babephila isikhathi eside kakhulu kunalaba balamuhla.



21

Ngenkathi kuzalwa uSeti, u-Eva wathi, "UNkulunkulu ungiphe uSeti ukuze ngivale isikhala sika-Abel."



22

uSeti wayeyindoda emusabayo uNkulunkulu, waphila iminyaka eyamakhulu ayisishiyakalolunye neshumi nambili waba nabantwana abaningi.



23

UNkulunkulu wabona ukuthi ububi bomuntu bukhulu emhlabeni nokuthi zonke izizindlo zemicabango yenhliziyi yakhe yimbi njalo.



24

UNkulunkulu weyasenquma ukuba amubhubhise umuntu kanye nazo zonke izilwane zasendle nezinyoni.



25

UNkulunkulu wayesezisola ukuthi wayebenzile abantu emhlabeni, wadabuka enhliziyweni yakhe.



26

Kodwa kwakukhona indoda eyathola umusa emehlweni kaNkulunkulu ...



27

Lendoda kwaku nguNowa. kwakuyisizukulwane sikaSeti. uNowa wayeyindoda eqotho, engenacala. UNowa wayehamba noNkulunkulu.



28

Waphinda wafundisa amadodana akhe amathathu ukwesaba uJehova.



29

Manje uNkulunkulu wayenecebo lokusebenzisa uNowa ngendlela exakayo futhi ekhethekile!



30

Ukuqala Kokudumala Komuntu

Indaba evela kwiZwi laNkulunkulu, iBhayibheli,

Itholakala

Isahluko 3-6

"Ukwambulwa kwaMazwi Akho kuyakhanyisa."  
AmaHubo 119:130

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa.

uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. **UJesu wase evuka ekufeni** wanyukela ezulwini. Manje uNkulunkulu engasithethelele izono zethi.

Uma ufuna ukuphenduka esonweni sakho, ithi kuNkulunkulu: Nkukulunkulu, ngiyakholwa ukuthi wangifela esiphambanweni, manje uyaphila futhi. Ngicela ungene empilweni yami futhi ungithethelele izono zami, ukuze ngizoba nempilo entsha, khona ngizoba Nawe kuze kube phakade. Ngisize ngiphilele Wena njengomntwana Wakho. Amen! Johane 3:16.

Funda iBhayibheli futhi khuluma noNkulunkulu nsuku zonke!